



UNIVERSITÄTS-
BIBLIOTHEK
PADERBORN

Corpus Juris Canonici

Gregor <XIII., Papst>

Coloniae Munatianæ, 1665

Privilegium Cæsareum.

[urn:nbn:de:hbz:466:1-62915](https://nbn-resolving.org/urn:nbn:de:hbz:466:1-62915)

PRIVILEGIUM CÆSAREUM

LEOPOLDUS Divina favente clementia Electus Romanorum Imperator semper Augustus, ac Germaniae, Hungariae, Bohemiae, Dalmatiae, Croatiae, Sclavoniae, &c. Rex, Archidux Austriae, Dux Burgundiae, Styriae, Carinthiae, Carniolae & Wirtembergae, Comes Tyrolis, &c. Agnoscimus & notum facimus tenore praesentium Universis, quod cum nobis nostrorum & Sacri Imperii sincere dilectorum Emanuelus König, ejusdemque filiorum Bibliopolarum Basiliensium nomine humillime expositum fuerit, quem in modum boni rei litterariae publici intuitu Corpus Juris Canonici, cum notis Pauli Lancellotti (in cujus editionis possessione jam a quinquaginta, & quod excedit, annis ipsi cum Antecessoribus suis fuerint) novo typo non absque levi facultatum suarum impendio in lucem dederint, vereantur autem, ne alii per sacrum Romanum Imperium Typographi non solum se in liberam ejusdem distractione atque venditione perturbent, verum & questus causam eandem editionem suam magno saepe suo dispendio imitentur, prelo committant, distrahant atque vendant, humillime supplicando, ut hac in parte non indemnitati solum sua benigne consulerent, sed & ipsos contra omnem fraudem ac iniquam aliorum questum peculiari super eodem Corpore Juris Canonici, cum notis Pauli Lancellotti privilegio impressorio praemunire dignaremur: Nos re in Consilio nostro Imperiali Aulico mature deliberata eorundem equis precibus omnino annuendum censuerimus: prout tenore praesentium ex certa nostra scientia, animoque bene deliberato ac de Caesarea nostra potestatis & auctoritatis plenitudine benigne annuimus, omnibus & singulis Typographis, Bibliopolis, Bibliopogis aliisque, quibuscunque rem & negotiationem librariam exercentibus mandantes, firmiterque, inhibentes & vetantes, ne quis eorum, praeter praedictum Emanuelum König ejusdemque filios & haeredes, praedictum Corpus Juris per quinque annorum spatium a die harum nostrarum computandum, intra Sacri Romani Imperii, Regnorumque, Provinciarum ac Dominiorum nostrorum hereditarium fines, simili vel alio typo & characteribus vel etiam forma, in toto, sive in parte recudere vel alii recudendum dare, vel alibi etiam impressum importare, adducere, vendere, aut distrahere clam vel palam citra consensum praedicti Emanuelis König ejusdemque filiorum & haeredum ausu praesumere. Si quis autem secus faxit, & interdictum hoc nostrum temerario ausu negligere aut transgredi non fuerit veritus, is non solum hujusmodi libri perperam quippe recusus atque importatus (quos quidem antedicti König ubicunque deprehensos sive propria auctoritate, vel Magistratus loci illius auxilio apprehendere & sibi vendicare poterunt) de facto privari, sed decem quoque marcarum auri puri, ex semisse Erario & Fisco nostro Imperiali, ex altero vero semisse saepe memoratis König eorumque haeredibus omni spe venia praecisa pendendarum multam dare damnas esto: dummodo tamen quaterna ad minimum exemplaria ad Cancellariam, & unum insuper ad Consilium nostrum Imperiale Aulicum transmissum fuerit. Mandamus ergo universis & singulis nostris & Sac. Imperii, Regnorumque & Provinciarum nostrarum hereditariarum subditis, cujuscunque status, gradus, ordinis, dignitatis, conditionis, aut fortuna existant, tam Ecclesiasticis quam secularibus, praesertim vero iis,

qui

PRIVILEGIUM CÆSAREUM.

qui in Magistratu constituti, vel proprio, vel superiorum suorum nomine & loco juris & justitiæ administrationem exercent, ne quenquam privilegium hoc nostrum Cæsareum temerè & impunè transgredi, aut violare patiantur, quin potius contumaces, quos compererint, præscriptâ penâ plecti, aliisq; modis idoneis coerceri curent, quatenus & ipsi eandem mulctam pendere noluerint. Harum testimonio litterarum manu nostra subscriptarum, & sigilli nostri Cæsarei appensione munitarum, qua dabantur in Civitate nostra Vienna, die secunda Junii Anno Domini millesimo sexcentesimo sexagesimo quinto, Regnorum nostrorum, Romani septimo, Hungarici undecimo, Bohemici verò nono.

Leopoldus.



Wildericus Baro de Walderdorff V. Cancellarius.

Ad Mandatum Sac. Cæs. Majest. proprium

J. Walderode.

GREGO.